

四庫全書

史部

欽定四庫全書

史部

硃批諭旨卷二百一下

詳校官尚書臣德保

編修臣張謙履勛

總校官中書臣朱鈐

校對官典簿臣郭祚熾

謄錄監生臣周元濬

欽定四庫全書

硃批諭旨卷一百一下

硃批岳濬奏摺

雍正八年正月初十日山東巡撫臣岳濬謹

奏為跪誦

硃批敬陳下悃仰祈

慈鑒事雍正七年十二月二十九日臣於跪讀

硃批恭申謝悃事摺內奉有

硃批諭旨伏念臣年少材庸無足比數忝膺署撫時以
不克勝任為虞今荷

特恩實授巡撫循分自揣彌切悚惶前此屢奉

硃批蒙

皇上格外鑒原時加

訓誡又

諄諭臣居心行事皆以督臣田文鏡為法剴切

指示至再至三是

皇上恤臣之顛蒙諒臣之駑鈍而以督臣田文鏡樹為
師表使臣悉心仿學以庶幾獲免隕越也臣即愚
昧寡識而一隙之明亦知仰體

聖慈虛衷求益是以署理撫篆一載以來凡有地方公
務無不稟請督臣教導逐一遵行從不敢妄自銜
長另立意見亦不敢聽人撥弄陽奉陰違惟願追
隨督臣多歷年歲廣見聞之所未逮增材力之所
不能藉以竭效涓埃仰酬

恩渥即臣父岳鍾琪平日忠勤自矢諄諄以竭誠報主訓臣間臣受教督臣漸有進益亦未有不感激

皇上委曲玉成之至意而勉臣以恪遵賢範始終勿渝者倘臣自矜少壯藐視老成欲與之分異同較長短固循軌轍甘蹈愆尤是直下愚不移自暴自棄負

君恩而違家訓不忠不孝兩無逃罪此臣之所斷不出此而亦不敢不時時儆惕者也臣惟有凜對

宸嚴瀝陳下悃期於實心受教竭力效忠以仰冀
聖主垂照於萬一而已為此繕摺呈

奏伏乞

皇上慈鑒謹

奏

所奏嘉悅覽之倘遇臨時應變迅發速辦之事又不可
遷延觀望致誤機宜也然此等處究屬稀少

同日又

奏為據情上奏仰祈

睿鑒事竊查原任山東禹城縣知縣郭傳世由舉人挑

選引

見

命往山東於雍正五年四月內補授禹城縣知縣受事

未久隨經臣父川陝總督臣岳鍾琪

奏請將郭傳世調赴陝西軍前委用於本年十一月

初三日奉

旨允准前任撫臣塞楞額接奉部文行令該員離任交代星馳赴陝嗣因郭傳世在禹城任內有應買監穀常平倉穀共九千二百八十六石竝未採買貯倉即經塞楞額於欽奉

上諭等事開報玩誤職名

題叅奉

旨將未買倉穀之州縣衛各官革職俱留本地會同現任官員將倉穀買足之後始准回籍欽此遵即咨提

郭傳世由陝來東於雍正七年十月內會同署禹城縣知縣陶士侗照依議定時價領銀買穀如數通完署令出具倉收咨送戶部訖茲據郭傳世呈稱切傳世因買穀遲延被叅革職荷蒙

皇恩諭令買穀完足即准回籍今傳世採買通完實貯在倉理應遵

旨回籍但傳世前於雍正元年九月內自備鞍馬呈請軍前效力隨師進剿播下熱當等五處逆番又於

雍正二年隨師進剿爾郭隆寺青海桌子山碁子
山等逆賊隨於雍正三年八月內經川陝總督岳
鍾琪查明效力功績單咨保送吏部吏科在案茲
因仰沐

皇仁無可圖報仍請再赴軍前聽候委用竭力辦事以
稍效犬馬微忱於萬一伏懇據情

奏達等情具呈前來臣查郭傳世從前兩次隨征效
力熟悉邊務實屬才有可用之員今呈請再赴軍

前情詞懇切理合據呈繕摺上

奏可否將郭傳世給咨引

見發往軍前委用伏乞

皇上批示遵行謹

奏

郭傳世無庸來京引見徑由該省發往軍前效力將伊呈內情節一面咨部存案一面寄字與汝父酌量差委於大兵凱旋之後分別勞效多寡奏請叙用可也

雍正八年二月初二日山東巡撫臣岳濬謹

奏為祥雲獻瑞萬姓歡騰據實奏

聞以昭

聖德事雍正八年正月初九日據登萊青道孫蘭芬呈
報雍正七年十二月二十八日亥時仰見西北五
色祥雲繚繞碧空明如日照等語臣以地近海隅
或霞光時有煥發是以未敢冒昧遽行奏

聞當即飛飭沿海文武官弁併確詢地方居民詳悉具

報以憑據實核

奏去後隨據登萊二府文武官弁各報稱雍正七年十二月二十八日夜彩雲旋繞燦爛光華起於海中之長山島歷亥子丑三時久而彌顯老幼歡騰等情併准登州鎮臣曾謨咨會到臣伏查雍正七年十二月二十八日二更時分西北祥光自海中長山島而升五色輝煌歷亥子丑三時午夜昭回中宵煥彩萬目共觀衆口同詞洵為亘古希聞生

民僅見之盛事皆由我

皇上治隆化洽昭格

天心是以有此嘉祥顯應也臣謹據實繕摺奏

聞伏祈

皇上聖鑒謹

奏

海雲獻瑞適閱費金吾摺而未見汝奏意謂汝或另具
題本是以於伊摺內批諭具題到日有旨也此事本屬

尋常無庸誇詡若尚未繕疏竟行停止為是

雍正八年三月二十二日山東巡撫臣岳濬謹

奏為奏明事竊臣於本年三月十七日起程赴青業
經

奏明在案今臣於十九日到青適值

欽差都統臣拉錫尚未起行隨帶臣往看新建營房基
址一帶平行地勢高阜實屬相度得宜復准御史
臣偏武咨取銀二萬兩臣即於司庫照數動支委

員解交偏武查收其現在到工各員亦即令其赴
偏武處聽候派委併嚴飭各員務須精白一心勤
慎任事以速大工臣隨於二十日由青前赴
廟工所有微臣到青情由以及赴曲日期理合

奏明伏祈

皇上睿鑒謹

奏

覽奏知道了拉錫此番籌畫措置俱甚協當

又請檢發人員一摺業已交部照汝所請行矣

雍正八年四月初六日山東巡撫臣岳濬謹

奏恭請

皇上聖安

朕安汝父統兵塞外托賴

上天祐庇士卒和輯汝父平善特諭知之

同日又

奏為恭報雨澤仰祈

聖鑒事竊查東省今歲入春以來高原下隰土膏滋潤
二麥悉皆茂盛秋禾俱已播種春夏之交尤資霖
雨今臣於三月二十二日自青赴曲二十五日途
次泰安天降雨澤不急不驟絲絲入土計深五寸
二十八三十日臣在曲阜又疊沛甘霖計深四五
寸不等臣恐通省或尚有未經霑足之處即於二
十五日飛檄通查旋據濟南府之歷城等州縣報
稱於三月二十五等日得雨三四寸不等復據兗

東登萊青五府以及泰安等九州所屬各報同日
得雨四野均霑等情臣於三十日冒雨起程至四
月初四日回署所歷地方青蔥遍野夏麥秋禾益
覺暢茂發生野老村農歡聲載道所有東省得雨
緣由竝臣回署日期理合繕摺呈

奏伏乞

皇上聖鑒謹

奏

甘雨應時深慰朕念以手加額覽之

雍正八年五月初一日山東巡撫臣岳濬謹

奏為恭謝

天恩事本年四月二十一日臣齋摺家人回濟捧到臣
恭請

聖安奏摺欽奉

硃批朕安汝父統兵塞外托賴

上天祐庇士卒和輯汝父平善特諭知之欽此臣隨恭設

香案望

闕叩頭謝

恩訖伏思宣力疆圉乃人臣之大義

加恩無已實

聖主之洪慈去歲臣父奉

命出師蒙

皇上念臣父子之情令臣赴陝遠送俾得一家團聚一路追隨稍伸烏烏之私固已銜感無地今年臣父

遠馳塞外家信難通臣正念臣父在外之安否復
蒙

皇上於萬幾之餘曲體下情

批示臣父平善使臣為子之心得以少慰臣跪誦之下
不特臣感激涕零即臣舉家無不感激涕零臣父
子蒙

高厚之恩至於如此臣雖生生世世捐糜頂踵亦莫能
仰報萬一矣臣謹繕摺叩謝

天恩伏祈

皇上聖鑒謹

奏

今年暫停進剿朕與兩路大將軍有面商機宜即日宣
召汝父來京汝不必深為繫念也

雍正九年二月初八日山東巡撫臣岳濬謹

奏為東省車兵懸額未補謹陳末議仰懇

聖鑒事竊東省撫鎮各營於雍正七年五月內奉

旨挑選車騎營兵二千名派往北路出師欽遵派往在
案伏查東省左控海疆右臨漕運路通九省水陸
交衝登兗兩鎮竝撫標馬步兵共一萬六千六百
八十二名除各員親丁名糧之外實在馬步兵共
一萬五千二百六十四名緣地方遼濶汛務殷繁
各路散防僅供差撥派往北路車兵二千名又經
按營抽撥十分之內挑去一分有餘是以汎廣兵
單不敷差遣因查出征車兵各本名歲支糧餉荷

蒙

聖主恩慈准其按季支領養贍家屬俾無內顧之虞臣
仰體

皇仁豈敢輕議募補而營伍關係甚重又亟需補足原
額臣再四籌畫莫若將該兵子弟諭令各家報明
該管鎮將擇其壯幹者暫令頂補充伍俟大兵凱
旋之後本兵回營仍將前項暫充之子弟俟有開
除名糧即准拔補以示鼓勵既不煩另給錢糧又

可以共資防護實為一舉兩得倘該兵竝無親子
弟姪無可頂補可否念營伍為重另募鄉農添補
足額仍懇

恩准另給步糧暫資口食俟本兵歸伍停其支給即將
新募之人與暫充之該兵子弟一體候糧拔補雖
增給糧餉所費稍多而兵額無懸實於營伍地方
大有裨益再查兩鎮兵丁俱係督臣管轄且直隸
河南山西各有車兵均未酌補非臣一隅之見所

敢臆論但臣身居東省目睹情形不敢不據實密
陳上瀆

宸聽倘臣言可採仰祈

皇上特頒諭旨將東省原撥車兵分別補充以實營伍
併懇免將臣摺發部不使臣顯蹈越俎之愆益戴
聖恩於無既矣為此繕摺密

奏伏乞

皇上聖鑒謹

奏

營伍汛防關係封疆要務言所當言何為越俎已另有諭旨矣

雍正九年五月十五日山東巡撫臣岳濬謹

奏為仰懇

聖恩簡擢標員以重職守事竊臣標兩營將弁雖非防守汛地而統兵千名自當慎重武備不時訓練以壯戎行但從前怠玩成習積久廢弛臣自蒞任以

來留心整飭督令將弁加謹操練近日兵丁稍有紀律而臣標中軍遊擊一員綜理營務兼有稽察關防鎖鑰等事職守尤重必得熟練營伍辦事謹飭之員方能勝任今中軍遊擊程簡具詳乞休經臣驗實

題報亟請

簡補臣查有高唐營守備劉屏藩為人勤慎甚能操練營伍弓馬漢仗均屬可觀臣所素知據實保薦儻

蒙

皇上天恩將劉屏藩陞補臣標中軍遊擊實於營伍關防均有裨益為此繕摺具

奏伏祈

皇上睿鑒施行謹

奏

劉屏藩著來京引見該部知道

雍正九年六月十八日山東巡撫臣岳濬謹

奏為遵

旨據實覆奏仰慰

聖懷事雍正九年六月十五日接到大學士公馬爾賽等寄信內開雍正九年六月初十日奉

上諭近日京師亢旱朕心甚切焦勞聞山東地方五六月間雨澤亦少不知近日如何著巡撫岳濬據實奏報從來蝗蝻之生往往由於水潦之地存留魚子及水退之後次年雨少又加烈日蒸曬所留魚子遂變

化為蝗此古書之所載亦土人之所知者朕曾切諭
地方官民留心防遏今思山東州縣上年有被水之
區若因魚子存留釀成蝗蝻之害不可不防之於早
也畧有萌動之機以人力制之尚易若因循瞻顧必
至難於撲滅為害甚鉅小民怠惰偷安又恐踐踏未
稼未免撲捕逡巡不可不明白曉諭竝飭地方有司
實力奉行以副朕為民防患之至意等因欽此臣跪
讀之下仰見我

皇上宵旰焦勞軫念民瘼

指示明切籌慮周詳伏查東省五月內雨澤稀少高阜之地稍欠滋潤然民間收穫二麥利於隨收隨曬不致蒸濕生芽皆以晴霽為幸惟交六月以後禾黍正當長發之時民情望雨甚切臣先期飭查各屬隨據各州縣節次報到初一初三初四等日得雨者七處初六七八等日得雨者三十八處自二三寸至四五寸不等又十二三四等日重雲四布

雨勢甚寬濟南得雨已透各屬報雨每日約有十餘處悉稱四野霑足統計六府九州惟東昌一府濮州東平兩州從前得雨甚少直至十三日以後始報均霑通省雨澤已徧可無乾旱之虞至於水潦之地魚子易化蝗蝻為害甚鉅臣於五月初間嚴飭各州縣文武官弁留心探訪但有蝻子萌動一面盡力搜捕一面具稟飛報以憑委員協捕勿使蔓延昨聞東平州安山湖內魚子蒸化似蝻非

蝻雖據土人稱為青頭螂竝非蝗蟲種類不害田
禾但恐此種變化不常仍飭地方官盡行撲滅此
外州縣竝無蝻子生發詢之土人皆云因去年冬
雪甚厚是以蝗蝻絕跡以上俱係東省現在情形
足以上舒

睿慮臣仍凜遵

諭旨加謹飭查斷不敢玩忽因循有負

聖主諄切訓示之至意所有東省業經得雨及竝無蝻

子生發之處理合遵

旨據實

奏覆伏祈

皇上聖鑒謹

奏

據奏既無蝗蝻之害又無乾旱之虞山左民生今歲漸有起色矣朕實喜出望外

同日又

奏為謹陳東省嚴緝盜案情形仰祈

聖鑒事竊查東省去秋各屬被水成災計八十餘處自
八月以至今年四月州縣報盜甚多伏思東省時
經災歉愚民易於為非其中有本地不法兇徒乘
機倡率而外省積匪亦復潛入境內糾合成夥亟
宜嚴捕首惡以杜姦萌臣一面檄飭州縣實力巡
緝仍挑選幹練捕役捐給工食設立賞格發按察
司衙門凡遇緊要兇盜密遣搜捕節次報獲通查

東省各州縣盜案獲犯者什之六七俱飭確審定
擬緝拏逸犯其外省逃盜陸續被獲者如曹縣則
拏獲河南寶豐縣行刦王世太家積盜郭二又拏
獲江南沐陽縣行刦錢銘家盜犯郭蘿蔔頭子嶧
縣則拏獲邳州行刦周瓊家盜犯周起林等四名
鉅野則拏獲河南信陽州商邱竝江南蕭縣慣盜
劉天章等十二名單縣則拏獲行刦河南商邱縣
徐棠家盜犯趙玉等十八名恩縣則拏獲山西平

遙縣行劫梁琦家越獄盜首魏二即魏文英以上

各犯或應就地完結或應移解收審亦經分別飭

益惟

遵在案臣身任封圻不能緝盜杜姦實懷悚惕所

有

各屬嚴緝盜案情形

理合據實陳

據實陳

弭也

徒然

悚惕

所

奏再查東省自五月以後二麥豐稔秋禾滋茂現在

姦匪潛消地方寧謐合併

奏達伏祈

睿鑒謹

奏

為政之道自省乃第一要務加意慎勉毋或少懈

雍正九年七月二十一日山東巡撫臣岳濬謹

奏為恭報東省雨澤溥遍禾穀茂盛上慰

聖懷事竊查東省各府州屬俱於六月內得雨霑足惟

聊城堂邑等十四縣尚未溥遍嗣據聊城堂邑等

縣連日報到悉於六月二十九三十日七月初一

二初九初十十一二等日得雨二三寸至尺餘不

等臣已先期飛飭各縣並委試用各員分鄉確查
一經得雨勸民及早補種晚豆蕎麥其無力買種
之家遵

旨借給籽粒一體催令布種是此十四縣雖得雨稍遲
而秋禾尚得滋生晚豆蕎麥補種無誤惟范縣一
處報稱得雨未透秋禾多已枯黃其補種之豆蕎
猶有可望等語臣隨委員會同該縣確勘果否成
災仍將得雨稍遲之各縣凡屬高阜鄉莊有無被

早一體查明如有應行賑恤之處臣與

欽差侍郎臣趙殿最酌核辦理再查東平濟寧魚臺汶
上寧陽五處湖河低窪處所魚子蒸曬多有化作
小蝻臣仰遵

聖訓早經嚴飭各屬但遇蝻子發生立即多方撲捕仍
遴委幹員協力同撲現據各報消淨無損田禾又
查郟城寧陽樂安三處值本月初十至十二日大
雨疊注沂沐汶淄等河水勢驟長數尺幸賴新修

民堤足資捍禦即有漫溢一二處旋即退涸田廬
均無妨礙現今天氣晴明各屬早穀早豆俱在收
獲其晚種之豆穀蕎麥悉皆滋潤生發徧野青蔥
訪之土人均稱豐稔有望莫不歡欣鼓舞感戴
皇恩所有東省得雨溥遍禾穀茂盛情形理合據實
奏報上慰

聖懷伏祈

皇上睿鑒謹

奏

東省雨澤普遍情形以手加額覽之今歲

天恩如此篤厚殊非意料所及諒汝必不忍涉於欺誑朕之憂懷盡釋矣

雍正九年十月初一日山東巡撫臣岳濬謹

奏為

計典展限已屆謹據實陳明再祈

聖鑒事竊文職三年

欽定四庫全書

硃批諭旨

三

大計乃

國家激揚之鉅典東省去年

大計屆期經督臣田文鏡

奏請展限荷蒙

聖恩垂鑒准於次年舉行今次補行

計典臣會同督臣自當矢公矢慎上緊辦理何容再
有陳

奏惟查東省闔屬六府九州各知府中止有青州東

昌二府歷任已滿三年其濟兗二府未滿二年登萊二府未滿一年各直隸知州內止有泰安莒州題補將及二年其餘七州俱係委署試看未曾實授又各屬知州知縣共九十五處內有甫經調署以及新任未久者共四十五員任事一二年者共四十一員其歷任三年並三年有餘者通計止有九員伏查

計典之制三載考績原以甄別供職已久優劣昭著

之員若任事不及一二年及調署新任正在試看者尚無循績可錄亦未即有過犯當繩而歷任三年之府州縣共一十一員內有合例而堪膺保薦者現需

題補要缺其餘皆勉供職守竝無干犯應劾之條再查東省自去年十月奉文展限以來凡庸劣不職經督臣與臣會叅革職者一十五員因公降革者七員改教勒休者九員即佐雜教職節次咨革者

亦有二十二員是東省之

計典雖已展期而臣與督臣加謹訪察凡有干八法之員立即叅處竝不敢少有姑容留待

大計今若速行舉劾恐考核無幾不足以昭彰瘝之公臣再再躊躇不得不據實陳

奏仰請

恩鑒儻蒙

特頒諭旨再寬一年之期則各員歷任漸深功過易見

容臣與督臣詳加考察分別舉劾以仰副我

皇上澄叙官方之至意又查

計典所關甚重可否再請展限應與督臣田文鏡會
商啓

奏但督臣初經回任政務殷繁往復咨詢有稽時日
况展限本無成例

允准出自

聖恩原非臣等所敢擅請是以未行商酌合併聲明伏

祈

皇上聖鑒批示遵行謹

奏

三載考績黜陟幽明大典所關正當與督臣田文鏡商酌會題朕豈便但據摺奏遂爾批允此舉錯謬之極

雍正九年十二月初四日山東巡撫臣岳濬謹

奏為恭報東省得雪州縣上慰

聖懷事竊東省自入秋以後雨澤調勻民間種麥甚廣

更望冬雪溥降滋潤土膏今據濟南府所屬州縣
於十一月十三日得雪一寸至三寸不等青州府
所屬州縣於十一月十三日得雪一寸至四寸不
等萊州府所屬州縣於十一月初三十三等日得
雪二寸至五寸不等登州府所屬州縣於十一月
初二三三十八等日得雪一寸至六寸不等武定
濱州高唐等三州所屬各縣於十一月十三日得
雪一二寸不等瑞雪應期麥田含潤民情懽忭莫

不戴

民情果若是乎如其不然語不近於誑乎戒之

帝澤而頌

皇仁所有東省得雪州縣申報到臣合先繕摺呈

奏上慰

聖懷伏祈

皇上睿鑒謹

奏

似此微雪奏聞則已何必過於鋪張若崇尚虛文必至

流於詐偽居心既有不誠安望其能感召

天和也

雍正十年六月十一日山東巡撫臣岳濬謹

奏為仰體

皇仁奏明請

旨事竊查東省撫標兵丁於雍正七年四月內欽奉

恩旨賞給帑銀四千兩營運生息以備兵丁一時之用

臣奉領銀兩做照豫省之例分發各當商作本營

運每月二分起利以雍正七年七月為始按月收銀備用嗣奉

諭旨賞給兵丁營運生息銀兩原係特恩期於永遠周急有資若定以數月之限即行支賞則所生利息無多不能接續將來恐有不能普遍之勢著行文不必定以賞給限期俟營運生息豐裕足用之日再行給與欽此臣謹將所收利銀存貯縣庫暫停給發惟有出師兵丁家口需用婚喪之費奉准部文行令照

數支賞婚費給銀六兩喪費給銀十二兩轉飭遵照在案伏查原領銀四千兩自雍正七年七月起至十年五月每月收利銀八十兩共收銀二千八百八十兩內除出師兵丁節次支給銀三百四十八兩現存利銀二千五百三十二兩臣查撫標兵丁共九百一十六名前奉

諭旨原俟生息豐裕足用之日再行給與今現存利銀二千五百兩臣照前起息每月可收利銀五十兩

合計原銀共六千五百兩每月應收利銀一百三十兩足資賞給之用所有臣標在營兵丁應否一體給與臣未敢擅專理合

前次論旨甚明在汝酌量而行朕如何選定應否也奏明請

旨再查出師兵丁效力邊陲家口在籍仰荷

皇仁加厚資給婚費給銀六兩喪費給銀十二兩今在營兵丁與出師者有勞逸之分未便援照此數相應酌量核減婚費給銀四兩喪費給銀八兩庶摺

卷一百一十
節得宜可以為普徧經久之計合併陳明統祈

皇上訓示遵行謹

奏

多寡增減亦在汝酌量為之者

雍正十年九月十三日山東巡撫臣岳濬謹

奏為恭懇

聖鑒事竊查青州府設立駐防滿營所有衙署兵房業
經監督臣偏武等次第監造其駐防兵丁居家什

物臣奉准部咨隨於司庫存公項下動支銀一千四百八十三兩零發給青州府遵照備辦在案嗣准部咨青州將軍鄂密達於本年九月初二日自京起程帶領官兵匠役及家口人等共計一萬五千餘人分作四隊前赴青州等語臣伏思青州非比省會市集交易糧貨無多今以一萬五千餘人一時駐劄每日需用米糧草料等物為數繁鉅購買維艱兼之初設滿營商民不曾熟習未免觀望

不前而姦狡牙行轉因此增價射利致滋捐累臣
再三籌畫亦應先期採買以備所需隨於臨倉耗
羨項下暫支銀四千兩發給登萊青道暨青州府
知府即令委員在於近府之壽光昌樂二縣照依
時值購買糧食草料陸續搬運至府給令鋪戶照
本平賣絲毫不得添增仍著地方官會同理事同
知不時巡查務令彼此協和公平交易併藉以招
徠商販食貨流通兵民有相資之益矣除臨倉耗

羨俟收齊價值如數歸項存貯外所有備辦緣由
理合繕摺

奏明伏祈

皇上聖鑒謹

奏

東省駐劄滿兵不過使其不缺衣食足矣原為防守地
方而設非比出征用命之師不可縱容致令肆志希冀
分外若事事俯就殊非所以愛之之道然朕意並不謂

此事辦理不協而諭母得錯會官兵入境之後自將軍以至兵丁跟役稍若不遵法度欺凌百姓騷擾地方無論事之鉅細悉行奏聞倘隱諱不言朕於他處聞知必當嚴咎汝等將此諭亦令鄭禪寶知之

雍正十年十一月二十六日山東巡撫臣岳濬謹奏為恭報東省得雪州縣仰祈

聖鑒事竊東省八九月內民間種麥甚廣時值雨澤調和結根堅固更望冬雪溥降滋潤土膏臣節次檄

查闔屬今據登州府屬蓬萊等八州縣報稱於十月十五十六十九二十四二十五二十七等日得雪二次三次自一二寸至尺餘不等又據萊州府屬掖縣等七州縣報稱於十一月初四十四等日得雪自一二寸至六寸不等又據青州府屬益都等十縣報稱於十一月初四十四十九等日得雪自一寸至三寸不等又據濱州及所屬利津等三縣報稱於十一月十四十九等日得雪一二寸不

等又據武定州并所屬海豐陽信等二縣報稱於
十月十五十一月十九日得雪一二寸不等又據
濟南府屬之歷城齊東鄒平新城等四縣報稱於
十一月十九日僅霑微雪以上登萊青三府俱已
得雪武濱二州亦皆霑被惟濟南以東如東昌充
州二府泰安東平高唐曹濮沂莒等七州尚未得
雪除俟各州縣報雪到日另摺續

奏外所有東省得雪州縣合先據實恭報上慰

聖懷伏祈

皇上睿鑒謹

奏

覽奏已悉都中亦甚望雪乃咫尺如天津等處又報霑足大抵今冬雪不為歉第稍覺不均耳

雍正十一年正月十八日山東巡撫臣岳濬謹

奏為恭報東省得雪州縣仰祈

聖鑒事竊東省各屬上年冬季雨雪未均止有登萊青

欽定四庫全書

硃批諭旨

卷二百一下

三

三府武濱二州於十月內得有瑞雪經臣具摺

奏報嗣於十一月二十一二十八等日登萊青三府等屬復有得雪處所而濟南以西各府州等屬不過數處稍霑微雪茲於雍正十一年正月初三日據兗州府所屬滋陽等十州縣均報得雪積地一寸至三四寸不等又據莒沂二州并所屬各縣均報得雪積地二寸至四五寸不等又濟南省城於正月十二日晚間初得微雨繼以大雪臣遣員四

路探查據稱各路得雪積地四五寸不等復據濟南各屬并兗州東昌青州等府屬泰安東平沂莒等州屬俱報得雪二寸至五六寸不等除將未經報到之各州縣飭查有無均霑外所有東省現經得雪情形合先據實

奏報上慰

聖懷伏祈

皇上睿鑒謹

欽定四庫全書

奏

此微雨雪難言深透地脉朕懷何由而慰或已足慰汝心則朕不得而知也

雍正十一年七月十五日山東巡撫臣岳濬謹

奏為奏報事雍正十一年六月三十日據德州報稱該州所管衛河上流泛漲水勢暴發境內堤岸日加防護復值本月二十三、四等日大雨如注晝夜不息河水倍增洶湧隨於二十四日將東岸老虎

倉地方衝溢堤口五十餘丈直注東北一帶又州城小西門外振河閣石岸磚岸俱有衝坍現在搶修等語臣隨飛委員弁齎帶銀兩馳赴德州交與該州多備工科作速修築并令該員弁等將德州左近河堤逐一查勘回覆今據稟稱老虎倉溢口一處約有五十餘丈水深五六七尺不等其水直趨東北向直隸之吳橋寧津竝東省之德平樂陵等縣流去該州督率人夫於七月初二日興工下

樁上緊堵塞又振河閣下護城石岸坍塌一段長
一十二丈寬二丈磚岸坍塌一段長一十七丈寬
二丈現在下埽墊土日夜防護又德州衛所管河
道哨馬營堤岸漫溢一段長三丈四尺第三店堤
岸漫溢一段長二丈三尺該備均在搶修等語臣
隨檄委署糧道廣壽督催該州衛修築完固尅期
報竣復據德州并德州衛報稱該州衛境內既有
溢水奔注又有積潦橫流田禾房屋均在被水又

隣近衛河之冠縣武城竝溢水經由之德平樂陵
皆被淹灌各詳報到臣隨會同督臣王士俊飛飭
布政司委員星赴該州縣衛逐一查勘除冠縣水
已消退無礙田廬外其德州等處先將境內積澹
設法疏導凡被水窮民有房屋坍塌無可棲身者
按等給銀令其苫蓋草舍以蔽風雨仍履畝細勘
秋禾果否成災據實申報臣現與督臣商酌辦理
悉心綏撫不致災民失所所有德州衛河水漲衝

堤竝六州縣衛被水情形理合具摺

奏報伏祈

皇上聖鑒謹

奏

速飭該屬員悉心疏宣竭力搶築竝確查被水居民加
意撫恤務令俱各得所以慰朕念

雍正十一年九月初六日山東巡撫臣岳濬謹

奏為恭報東省各屬秋成分數仰祈

聖鑒事竊東省自五月以來甘霖疊沛滋長秋苗一切
穀豆雜糧無論種植早晚均獲成實雖與江南豫
省接壤之州縣河湖蘆葦之中偶有蝗蝻生發即
時撲滅竝不傷損田禾又濟東等府秋雨稍多而
旋雨旋晴不致積水淹滂亦有瀕河州縣八九處
漲溢為災然亦不過一二窪下鄉莊秋成稍覺減
薄此外各屬俱係豐收茲查通省各府州所屬州
縣收成十分九分八分者居十之八七分六分五

分者僅十之二兼之各州縣多植菓木棗栗梨柿
悉有六七分收成均資食用現今市糧甚賤諸物
充盈商販流通民情饒裕至於被水處所欽遵

諭旨委員履畝確勘併查驗窮民給銀葺屋計口授食
是不特豐收之州縣戶慶有年即被水之村莊亦
人霑實惠均有以仰慰我

皇上厯念民依之至意所有東省各屬收成分數理合

恭摺

奏報伏祈

睿鑒謹

奏

收成數果如所奏亦可謂中歲矣但不可少有隱飾
雍正十一年十一月十五日山東巡撫臣岳濬謹
奏為恭報東省瑞雪溥霑仰祈

聖鑒事竊東省八九月內雨澤勻調民間及時種麥即
有一二低窪之地積潦消退亦俱漸次補種必須

冬雪滋培苗根方屬有益嗣據濟南府歷城等屬
報於十一月初二三日得雪二寸至四寸不等兗
州府滋陽等屬報於十一月初二三日雨雪並霑
有二寸至一尺不等東昌府聊城等屬報於十一
月初二三日得雪一寸至三寸不等青州府益都
等屬報於十一月初二三日得雪一寸至六寸不
等萊州府掖縣等屬報於十一月初三日得雪三
寸至五寸不等登州府蓬萊等屬先於十月初六

七以及二十八等日各報得雪二寸至四寸不等
又據泰安曹州東平沂州高唐濮州莒州等七屬
均報於十一月初二三日得雪二寸至四寸不等
惟武定濱州等二屬未經得雪今於十一月初九
日省城大雪紛降積地八寸是日同雲四布雪氣
濃厚臣遣員各路探看皆稱得雪霑渥連日據濟
屬之章邱等十三州縣兗屬之滋陽寧陽曲阜等
縣東屬之堂邑博平茌平清平臨清夏津武城等

州縣又泰安州及所屬三縣高唐州及所屬四縣
莒州及沂水蒙陰等縣均報於十一月初九日得
雪二寸至七寸不等其從前未經得雪之武定濱
州等屬亦報於十一月初九日得雪自二寸至六
寸不等伏思東省農務麥田最關緊要臣訪查各
屬種麥甚廣且旬日之內得雪兩次遠近均霑覆
積田間隨融隨凍足以斂生氣而固深根麥田有
資民情共懷忻愜所有東省州縣連次得雪情形

理合繕摺

奏報上慰

聖懷伏祈

皇上睿鑒謹

奏

冬雪均霑朕懷深慰然亦必待來年春雨接續麥秋方
為有準也

雍正十二年三月二十四日山東巡撫臣岳濬謹

奏為據實奏

聞事竊東省向有邪教流傳妄立名色煽惑鄉愚臣節經拏獲嚴加究懲仍切諭各屬文武官弁留心訪察茲於三月初六日據署高唐州知州汪連萼密稟該州西北村莊有居民楊翠王天柱等七人妄入邪教現經拏獲訊稱係夏津縣陳永順所傳名朝天一炷香又名愚門弟子教一日三時向太陽磕頭念持咒語祈求降福消災上年十月十二月

今年正月三次收錢每人出錢三文交作祭祀太陽之用陳永順又是肥城王弼公所傳并供出同教之楊世公鄭玉起孟興華等現在密關查捕等語臣當即密飭嚴拏去後隨於本月初八日據夏津縣稟稱拏獲邪教陳永順訊供係恩縣楊世公所傳等語本月十一日又據肥城縣稟稱拏獲邪教王二禿及伊子王配天供出伊女友姐現在平陰縣柳溝莊齊進忠家掌教又供有同縣王君照

徐克儉張化平王世明等以及滋陽縣之閭敬義王者起陳少言姚成業等俱係同教現在查拏等語本月十七日據恩縣稟稱拏獲邪教楊世公竝鄭玉起起出教書一本仍現在嚴拏孟興華等語又據滋陽縣拏獲邪教閭敬義王者起陳少言姚成業等并供出之曹三等語又據肥城縣稟稱拏獲邪教徐克恭王世雷張化平并於徐克恭家起出雕牌小旗圖章冊劍等語以上各稟共獲邪教

二十人未獲各犯現飭嚴拏仍於獲犯內研審教
首根究黨羽嚴加懲治其中有被誘未久實係鄉
愚無知者臣分別辦理不敢波累多人致滋紛擾
所有高唐州等屬拏獲邪教緣由理合據實奏

聞伏祈

皇上聖鑒謹

奏

諸如此類邪教人犯要當察其有無為匪情故以定罪

之輕重為是

雍正十二年五月十九日山東巡撫臣岳濬謹

奏為恭報甘雨沛霑仰祈

聖鑒事竊東省民間麥熟之時固宜天氣晴霽便於收穫蓋藏而穀豆高粱又需膏雨滋長兼之麥收之地亟待雨後耕犁布種晚穀秋豆茲省城於本年五月十五日得雨四寸十六日又得雨五寸隨據濟屬之章邱淄川鄒平長山新城齊河齊東濟陽

肥城青城德州德平商河等州縣又東屬之堂邑
博平茌平清平恩縣夏津等縣青屬之益都臨淄
博興高苑樂安壽光昌樂臨朐安東衛等縣衛泰
安州併所屬長清新泰萊蕪等縣武定州併所屬
陽信海豐樂陵等縣濱州併所屬利津霑化蒲臺
等縣高唐州併所屬禹城平原陵縣臨邑等縣共
四十五處俱陸續報稱於本月十五六日得雨入
土二三寸至五六寸不等除將距省道遠之府州

各屬飛檄飭查外所有省城及章邱等屬甘雨沛
霑情形合先繕摺

奏報伏祈

皇上聖鑒謹

奏

甘雨沛霑情形深慰朕念近日直隸與東省接壤數縣
據報蝗蝻生發現在撲捕其加意預防勿使至於蔓延
雍正十二年七月二十六日山東巡撫臣岳濬謹

奏為德州衛河漫口旋經堵築據實奏

聞事竊東省自六月中旬以後大雨疊沛甫稱透足汶
泗等水雖有增長未至泛溢兩岸惟臨清以北之
衛河遠通河南衛水山西漳水上源雨漲衆川滙
流自六月二十六日起連次報增至七月初九日
長至二丈有零隨於本日亥時將德州衛哨馬營
白鹽地方漫溢東岸寬十丈餘水注曹家堤口入
鈎盤河以達老黃河據該州衛飛報到臣臣思白

鹽地方即臣與直隸督臣李衛等會勘開河之道
原係衛河頂溜關係匪輕臣隨備具工料銀兩委
員馳送德州交與糧道廣壽給發該州衛辦料鳩
工竭力堵築并飭該道親加督率茲據該州衛詳
稱現於白鹽漫口建築月堤一道長六十五丈寬
一丈圈阻溢水自十一日起至十五日巳時合龍
訖衛河漲水不復旁注坡地淤存之水悉已消退
等語連日又據報稱衛河水勢漸次消減新舊各

工小心防護均保無虞等語臣查今年水勢較之
上年更覺奔湧惟幸速於消減河流易平是以搶
築月堤尅日工竣除檄飭該州衛將溢水經過村
莊田廬有無被淹確查另報外所有德州衛河漫
口旋即堵築情形理合據實

奏報伏祈

皇上睿鑒謹

奏

適據李衛亦已奏聞衛河漫口堵築迅速尅期竣工甚屬可嘉百凡處果能確秉忠誠殫竭心力未有不蒙

天地神明陰相默助者是乃一定不易之理無如庸流每多信不及耳

雍正十二年八月初八日山東巡撫臣岳濬謹

奏為備籌稽察海口豆船事宜奏請

聖鑒事雍正十二年六月內臣接准署兩江督臣趙宏恩密咨江南米糧出洋現在查禁惟東省豆貨為

江省民食所資由海販運誠恐姦徒於米禁之後轉求豆粒雜糧致有私販偷漏之弊應令東省查明某府州所屬可由內河行走某府州所屬必由海洋販運除內河行走者聽其自便其必由海運者應令地方海口各官查明商客船戶姓名年貌船隻字號標頭丈尺豆貨數目出口月日徑行詳咨江省海關并一面詳明臣巡撫衙門移咨江省海關於進口時查驗明白咨覆東省互相稽察等

情咨商到臣臣即密同布政司鄭禪寶確查情形查得東省登州萊州青州沂州等府所屬州縣衛濱海之處距內河甚遠必由海道前抵江南各海口私販米穀出洋久經嚴禁惟青白二豆素資江省民食不在禁例今江南嚴行米禁或恐東省豆貨出海乘機偷漏亦未可定自應設法稽察惟是所議詳報移咨之法竊思豆船出口一遇風順數日即抵江省該州縣衛等若將徑申江省海關之

文由內地鋪司遞送非經月不能送達其詳明臣
巡撫衙門之文由濟南轉咨江南道路更遠逐鋪
傳遞動至月餘恐豆船不能在江省海口守候如
此之久且各屬豆船絡繹出海若令每船具詳亦
覺不勝案牘之繁臣再四籌畫擬於詳文之外另
設給票之法嗣後各海口豆船出口該管之州縣
衛設立兩聯印票一為照票一為存查票上開明
商客船戶及舵工水手姓名年貌籍貫船隻字號

樑頭丈尺豆石數目出口月日一樣兩張每年按月編定十二字號月月更換於票之連縫處編定號數竝於票內一體編列一切數目年月上用印鈐蓋每船截給照票一紙每發一號即於票尾將從前出口豆船挨書三號開明某號某客某船戶載豆若干石於某月日出口前赴江省是此號船隻一到從前三號有無到口一覽便見即可藉此稽查每船除給照票之外該州縣衛另繕驗文將

票內所註字樣照式開叙徑詳江省海關封固密釘一併交與船戶齎赴海關交投並將照票呈驗海關監督查勘文票人船豆石一一相符准其上稅進口即於照票上填明該商船到關日期查勘相符緣由用印鈐蓋給與船戶持回回時呈送該州縣衛繳票銷案各該州縣衛繕給船戶文票每滿一月彙查各號照依票內所註字樣挨號造冊申送到臣臣即咨送兩江督臣衙門發下海關與

原文核對再查豆船一項由東省販運江南者尚少惟江南販貨來東發賣之後即買青白二豆帶回江省者十居六七此項船隻係江省查明出口之船來往販運例不飭禁嗣後東省州縣衛亦用兩聯印票之法如式填寫二張將照票截給江省船戶仍具文徑詳海關并給船戶齎投照前查驗驗畢之後即將東省所給照票收存海關按月報送兩江督臣衙門咨回東省由臣巡撫衙門轉行

各屬查對銷案以上船隻倘驗對票冊之時人船
豆數不符察出影射偷漏情弊彼此咨明嚴拏究
治如有後船已到而前船經久不到者一并咨行
兩省沿海各口逐一查究如此立法則豆船往來
兩省互有稽查姦徒無由滋弊船戶商人亦不致
有稽滯之累矣臣淺陋之見分別置議業經密覆
署兩江督臣趙宏恩公同斟酌聽其核奏請

旨畫一遵行事關慎重海防稽察豆貨所有臣密議咨

覆情由理合備述

奏明伏祈

皇上聖鑒謹

奏

詳覽籌議如此立法雖屬妥便或恐其中仍有隱弊未能周察無遺既經移咨江督趙宏恩俟伊核奏到日再為酌定規則可耳

雍正十二年九月二十四日山東巡撫臣岳濬謹

奏為恭報東省各屬秋成分數仰祈

聖鑒事竊查東省今歲二麥豐收夏秋以來又得雨澤
渥沾秋禾極其茂盛茲當收穫之期臣行令布政
司飛飭各屬將秋禾收成分數據實具報去後茲
據該司彙報到臣伏查東省八府四州所轄各屬
收成十分者共四十四處九分者共四十一處八
分者共二十七處七分者共六處不惟原阜膏腴
之野十分豐登而卑窪沙礮之區亦隨處有穫即

新墾之荒地凡有種植悉皆收成至於棗栗柿梨
以及棉花之屬結實繁盛咸資食用之需現在三
農樂業比戶盈寧有以仰副我

皇上念切民依之至意所有東省收成分數理合據實
奏報伏祈

睿鑒謹

奏

覽奏秋成分數齊魯編氓沆可小康朕實為之額手稱

慶也

同日又

奏為恭讀

硃批敬陳下悃仰祈

恩鑒事竊據布政使鄭禪寶敬錄

硃批諭旨內開

奏為東省秋成大有連慶豐登仰慰

宸衷事雍正十二年八月初三日

奏十六日奉到

硃批今歲麥禾齊登非係朕之敬勤所致亦與汝輩無涉乃督臣王士俊之忠誠感蒙

上天鑒照而然耳何以言之如云朕德所致則應直省皆同如云汝等之功則王士俊未督東省以前不應水旱頻年相繼也試觀田文鏡撫豫時心力充足諸務妥協而年歲之豐遂為天下所莫逮後命兼督山左老病之餘精神衰耗汝輩屬員不無朦混一切吏治

迥不及前而兩省之災眚遂亦屢見洊臻此非彰明
較著之徵驗也歟朕臨御寰區十二年來灼見汝輩
撫藩大吏政之美惡休咎攸分實捷如影響思之而
不悚然懼惕然勵可乎汝等每以地方雨暘歸美朕
躬夫用人之賢否關朝廷之得失其間功之與過朕
固不能辭然為官擇人朕為政莅事臨民則汝為政
設汝等不肯竭忠盡職朕有何術以仰邀

上天之眷佑耶觀汝此奏大有矜肆之意朕甚憂之蓋恐

上天許王士俊之是則必責汝輩之非汝輩之是非朕尚
歷歷見聞况

天地神明之無微不照乎一切處其慎為之舉一念當仰
首上視行一事即捫心俯思審義利於俄頃之間辨
公私於毫釐之際忘身體國克己勤民直省大吏若
咸能如是朕可保薄海以內溥沐

浩蕩洪慈一如東省今歲之優渥也將此諭與兩省督撫
司道共觀之欽此欽遵齋送到臣臣跪讀之下仰見

我

皇上指示周詳告誡明切

高厚生成有加無已伏思臣荷蒙

恩擢授以封疆重任

皇上之所簡注即

上天之所照臨忠勤則克荷

天慈怠廢則有干

天譴每念地方之豐歉實由吏治之是非是以一穀未盡

登場不敢信秋成之全獲一處未曾申報不敢量
此邑之有收即今各屬豐登咸稱康阜亦必念從
前何以歉薄今歲何以盈寧愧臣平日之感召無
由即思督臣王士俊之忠誠上格斷不敢妄矜

天佑稍萌一毫肆滿之心伏繹

硃批恐

上天許王士俊之是則必責汝輩之非臣雖至昧至愚跪
讀至此倍懷凜惕惟有虔奉

訓旨時時以

天地神明昭昭朗鑒為念務期竭抒忱悃盡職奉公以仰

答

聖慈諄訓於萬一耳所有微臣跪讀

硃批感激悚惶情由理合繕摺具

奏伏祈

皇上聖鑒謹

奏

朕此篇批諭實有所見云然須身心體驗潛喻默會方見不誣非泛泛尋摘於字句之間所可得而解者也敬之慎之勉旃勉旃

雍正十三年二月初九日山東巡撫臣岳濬謹奏為遵

旨揀送農民赴粵仰祈

聖鑒事雍正十三年正月初八日准戶部咨開內閣鈔出廣東督臣鄂彌達等摺奏粵省開墾請

敕下山東河南二省選善種旱田者二十人給與口糧
路費來粵教耕布種其給過銀兩統俟到粵補還
等因奉

旨交與王士俊岳濬照鄂彌達等所請辦理欽此欽遵
移咨到臣臣遵即飭司轉行各屬揀選農民送驗
去後隨據布政司詳據濟南府歷城縣德州等處
挑選各農民申送前來臣親加逐細查驗選得素
習農業善種旱田之王存得等十名堪以赴粵但

查東省至粵水陸各程共計四千六百餘里農民等離鄉遠涉路費口糧固宜按程量給即行裝家口亦應體恤周資臣隨逐一酌量所需路費口糧以及辦裝安家等項共計銀一百七十四兩零即於司庫公用銀內動支分給仍照粵省督臣等原奏咨明銀數解還補項已將各農民專差伴送於二月初六日起程赴粵所有遵

旨辦理揀送農民情由理合繕摺具

奏伏祈

皇上聖鑒謹

奏

孟子云上農夫食九人則是衆口所賴者惟此一夫今
離鄉遠出所給銀兩辦裝可矣養家之資或恐不敷耳
雍正十三年四月二十五日山東巡撫臣岳濬謹
奏為恭報省城得雨日期仰祈

聖鑒事竊東省二麥當茲初夏正在吐華結穗而春間

所種雜糧均需雨澤今於四月二十三日省城得
有大雨自戌時起至二十四日丑時止入土七八
寸透地霑足隨據濟南府歷城縣申報前來臣復
親詣四郊查看二麥俱已秀穗得此雨澤沾濡漸
可結實而布種之豆穀高粱瓜果棉花等項亦加
滋長土膏渥潤徧野菁蔥農業有資民情欣愜除
現在檄查各屬得雨日期分寸俟報到另摺具
奏外所有省城得雨情形合先繕摺

奏報伏祈

皇上聖鑒謹

奏

聞東省暮春以來雨澤歉少正爾厘念今覽此奏朕懷
曷勝欣慰

雍正十三年七月二十七日山東巡撫臣岳濬謹
奏為恭報東省各屬秋成分數仰祈

聖鑒事竊查東省秋禾今歲五月以內雨澤疊霑至六

七等月各屬報雨雖皆有霑被而日期早晚不齊
凡得雨均調之處秋成豐熟有十分九分八分不
等間有雨潦漲溢以及得雨稍晚之處每縣高窪
牽算收成亦有七分六分不等茲據布政司將各
屬秋成分數彙報前來臣查八府四州所轄各州
縣收成十分者共三十一處九分者共五十四處
八分者共一十七處七分者共十處六分者一處
至於棗栗柿梨以及棉花等項悉皆結實繁盛足

資食用之需百穀順成三農樂業有以仰副我

皇上念切民依之至意所有東省收成分數理合據實

奏報上慰

聖懷伏祈

睿鑒謹

奏

秋成分數以手加額欣悅覽之夫節和則年豐民安斯
物阜大抵天時人事默感潛通未有無因而至者際斯

豐亨善應愈當儆惕身心省察吏治不可纖毫涉於矜肆也

雍正十三年八月初五日山東巡撫臣岳濬謹奏為恭報東省得雨日期仰祈

聖鑒事竊東省各屬秋成分數經臣查明具摺

奏報值此節交八月民間收穫之地布種二麥正需雨澤隨據兗沂曹三府所屬之嶧縣鄒城定陶鄆城等縣報於七月十六十九等日得雨入土三寸

至七寸不等又據登州一府所屬州縣及萊州府屬之膠州平度等處報於七月二十日得雨入土三寸至五寸不等今省城於七月二十六七八等日連得大雨透地霑足復據各屬先後報到如濟南府所屬十六州縣兗州府所屬十六州縣衛所東昌府所屬十六州縣衛青州府所屬十二縣衛武定府所屬十州縣沂州府所屬七州縣泰安府所屬七州縣曹州府所屬十一州縣均報於二十


五六七八等日得雨入土五六寸不等又據萊州府所屬之平度州濰縣二處報於七月二十六日得雨入土四五寸不等查通省各屬州縣惟登萊二府距省道遠有尚未報到之處其餘悉經得雨乘此土脈滋潤民間得以及早耕犁布種二麥於農田甚有裨益所有東省各屬得雨日期理合恭摺

奏報伏祈

皇上聖鑒謹

奏

山左地方今歲雨澤甚屬均調此奏欣悅覽焉



欽定四庫全書

欽定四庫全書

卷二百一下

硃批諭旨卷二百一下

欽定四庫全書

史部
殊批諭旨卷二百一上

詳校官尚書臣德保

編修臣張謙履勛

總校官中書臣朱鈐

校對官典簿臣郭祚熾

謄錄監生臣周元濬

欽定四庫全書

硃批諭旨卷二百一上

硃批岳濬奏摺

雍正五年六月二十一日山東布政使臣岳濬謹
奏為奏

聞事竊臣恭逢

聖世蒙被

殊恩以迴避之府佐蒙

特簡為道員方愧寸長未報今復荷

恩綸超擢東藩殊常

寵授非分所當所有感激之私詳請撫臣塞楞額代為

題謝在案伏念臣父子一門受

恩愈重報效愈難惟有凜遵

聖訓仰酬

高厚於萬一臣自本年五月二十四日到任隨同前布

政使張保將庫內錢糧逐項盤查實在存貯丁地

雜項等銀一百二十四萬九千一百八十兩零存
留腳價銀一萬二千三百一十六兩零丁地羨耗
銀二十七萬一千六百三十兩零衛所羨耗銀三
千一十八兩零州縣長解羨耗銀二百三兩零七
分羨耗補平銀二千五百四兩零丁地運費銀七
千五百六十九兩零丁地飯食銀八千八百三十
兩零河工部飯銀六千九百六十七兩零至充公
撫司分規稅項節省等銀各款細數另摺分晰敬

呈

御覽臣謹監守之責并嚴出入之防嗣後凡支收正雜
錢糧及從前一切動用款項容臣陸續摺

奏

臣

膺此重任深恐愚昧疎畧不無隕越仰懇

聖主訓誨時加俾臣知所遵循所有查明庫項緣由理
合恭摺奏

聞伏祈

皇上睿鑒謹

奏

覽奏知道了勉力盡職以副委任

雍正五年十一月二十八日山東布政使臣岳濬

謹

奏為查明司庫收支存貯耗羨銀兩開冊進呈仰祈
睿鑒事竊臣荷蒙

恩擢於本年五月二十四日抵任前司張保送冊交代

臣逐項查收業將接受交代并俟查款續

奏緣由具摺奏

聞臣謹將東省各屬解過司庫耗羨自雍正二年七月
原任布政使博爾多任內起至陞任布政使張保
任內止各官經收動支并存貯在庫銀數備查造
冊進呈

御覽其中動支耗羨銀兩如彌補通省流抵發給各官
養廉等項俱經前任撫臣陳世倌

奏明有案此外支撥公用逐項開具在冊臣檢閱舊

案或稱曾經摺奏或稱舊例相沿或稱巡撫批准
或稱先撥後補除條款清楚名色分明各項無庸
申說外所有應題未題應補未補懸項無著者臣
復加查核分別具摺據實陳明統祈

皇上全覽冊摺於應否動支之處俯賜

批示俾臣接司筦庫得有成式可遵加謹收支免致隕
越實感戴

高厚洪慈於靡既矣為此繕冊具摺奏

聞伏祈

皇上睿鑒謹

奏

檢覈殊中肯綮可嘉之至未料汝能如是清釐也勉之
勉之此心此行切勿纖毫改移但推誠秉公一惟朕躬
是倚可保更無有人能榮辱汝者

雍正六年三月二十九日山東布政使調任山西

布政使臣岳濬謹

奏為奏明續貯充公銀兩仰祈

睿鑒事竊臣荷蒙

恩旨調任晉藩隨將東省藩司任內收過雜項解費稅課規儀以及書吏節省銀兩存貯充公業經開摺奏明茲因交代在即逐項清查復查得州縣地丁解司各有零星尾數及至支解各項歷來俱以釐數為止毫絲以下概不算入雖為數無幾而積少成多臣任內經手秋春二撥各項支解節次併封共

存銀四千四十八兩零向係藩司自得之項伏念
臣職司筦庫出納維嚴一絲一毫均係

國帑何敢稍有欺蒙侵肥入已謹將前項併封銀兩
留貯司庫備充地方公用再查雜項解費自正月
二十日開印起至三月季終止共收過銀六百兩
以上二項通計銀四千六百四十八兩零現在一
總造入交代冊內俟新任布政使張坦麟到任之
日逐一文明所有續貯充公銀兩緣由數目理合

繕摺

奏明伏祈

皇上睿鑒謹

奏

能如是刻厲自持有何可諭汝年方少壯無窮事業由
茲始基正宜勉力以期上進堅守此志可也

雍正六年六月初九日山東布政使調任山西布

政使臣岳濬謹

奏為陳明賑穀捐項已補未補各案仰祈

睿鑒事竊查前任巡撫陳世倌陞任布政使張保任內
雍正三年彙報秋禾被水等事公捐賑穀除已經
捐補之項無庸開列外尚有濟南府屬之歷城等
四縣動用府倉捐米折穀下剩未補穀九千九百
九十九石零每石原價五錢共該銀四千九百九
十九兩零又東昌府屬之堂邑等五州縣動用常
鹽折漕穀石未補穀二千五百六十六石零每石原價

三錢共該銀七百五十一兩零又德州等九州縣
那墊煮粥柴薪水脚等費下剩未補銀二千二百
九十一兩零以上三項共計銀八千四十三兩零
俱議公捐還項但彼時並未按款捐補而隔任事
後之員又難責以續捐以致銀穀虛懸無補臣現
今詳明撫臣塞楞額

題請著落原經手議賑議捐之巡撫陳世倌布政使
張保各名下照數分賠庶可以補懸項而銷積案

再查巡撫陳世倌有捐存養廉銀四千七百二十
九兩零布政使張保有捐存署按察司任內養廉
銀四千六百一十兩零通計養廉銀九千三百三
十九兩零留以補還捐賑銀穀但臣查前任巡撫
陳世倌動支司庫耗羨借補賑濟各案不下萬金
即伊等支出耗羨填補伊等虛懸之項他人亦能
虛懸無補因思此項養廉原從耗羨支出今既捐
以苛刻加汝也

存在庫正宜抵補耗羨況東省署事養廉例皆扣
存充公今張保所存署按察司任內養廉雖稱捐

項實非出自己貲以之歸還耗羨似屬妥協查耗
羨項下一給還平原縣煮粥柴薪銀五百兩一給
還兗寧道倉撥賑德州聊城等九處穀價並水脚
共銀八千四百九十七兩零一給各州縣那墊柴
薪水脚等費銀三百四十二兩零以上三項共銀
九千三百三十九兩零隨將捐存養廉盡數撥還
經臣於雍正五年十一月二十八日具摺

奏明是前撫藩捐存養廉一項悉已撥補耗羨則前

項銀穀無可扣抵若非著落分賠終難歸結誠恐
陳世倌張保仍以捐過養廉為詞致費查核理合
備悉陳明繕摺具

奏伏乞

皇上睿鑒謹

奏

賠還捐賑抵還耗羨名雖不同其實則一要須分割明
晰方可使伊二人無言置辦何辭一番查核耶

雍正六年六月二十二日署理山東巡撫印務布

政使臣岳濬謹

奏為恭謝

天恩兼陳下悃統祈

慈鑒事雍正六年六月二十一日捧接部文內開雍正
六年六月初十日奉

旨塞楞額著解任回京補授工部侍郎山東巡撫印務
著岳濬署理欽此欽遵臣恭設香案望

闕叩頭謝

恩訖伏念臣一介庸材無足比數荷蒙

皇上逾格洪恩不次超擢

簡畀東藩旋調山右因候新任交代未得起程復蒙

特旨著署理山東巡撫印務山東為屏垣之要地巡撫

乃封疆之重臣自揣疎庸何以當此鉅任私懷悚

惕不知所為第

寵命既頒

恩施彌渥臣雖愚駑敢不竭蹶祇承以圖報效萬一竊
惟地方事務動關

國計民生臣智識所不周材力所不逮者惟有廣諮
語朕嘉確辨說覽馬縱極庸劣無才能此四字即必不至於

玷溺蓋集思廣益勤以補拙之道也朕嘗以之訓誨督

奏懇祈

皇上時加訓示開導頒蒙臣遵守奉行免滋愆失則

聖主高厚玉成之恩臣生生世世銜結於無盡矣除俟

接印任事另疏

奏謝外所有微臣跪捧

恩旨感激瞻戀情由謹繕摺具

奏再查臣布政使任內經手一切錢糧款項業已徹
底查明分晰造冊今接任布政使費金吾奉

旨速赴新任諒不日即可來東是布政司印務無庸另
行委署臣照常辦理俟費金吾到任即便逐一清
是
交理合一併聲明統祈

慈鑒謹

奏

田文鏡乃督臣中之傑出者當效法其居心行事汝果虛衷受益伊必推誠相待若以外任臨民之事而論其老成練達實不易得非與共事日久無由稔悉其長較之塞楞額輩奚啻霄壤費金吾到任後面詢自知朕命汝署理撫篆之意一者因不得人二者正欲汝持循伊之軌轍也勉之

雍正六年七月十三日署理山東巡撫印務布政

使臣岳濬謹

奏為請將驛道陋規解司充公仍懇另給養廉事竊查東省濟東道管理通省驛務各屬送有陋規相沿已久歷來聽其收受作為養廉從未逐項清查確知銀數臣接受撫篆後即值濟東道年餘元革職離任隨遴選登萊青道李英署理印務併切囑其將驛道一切陋規查明造報以憑核

奏今據李英稟稱查得各州縣驛有額解濟東道衙

門驛站奏銷供廩糧餉中伙併中伙隨封等項銀
一萬二千九百六十兩零白夫水驛冊費併隨封
等項銀七千九十三兩零通共銀二萬五十三兩
零內除去奏銷部費飯食銀二千七百兩併巡撫
衙門奏明充公額規銀二千兩尚餘銀一萬五千
三百五十三兩零俱係濟東道收為養廉之資謹
將查明各項細數造送清冊聽候核

奏等語臣查東省道員從前議於耗羨項下每年支

給養廉銀六千兩經前撫臣陳世倌

奏明今濟東道陋規所得照依養廉六千兩計算多寡懸殊夫養廉為

君上恤下之典陋規為臣子肥己之貲當日存陋規而不給養廉已非戒貪止賄之道況同一道員而官給者止有六千兩私收者反有一萬五千兩於理不順於情不均兩有未協臣請嗣後濟東道養廉在於耗羨內每年撥給銀六千兩其驛站規禮飭

令該道照數催收除奏銷部飯巡撫充公二項銀兩及本衙門各房紙筆雜費一千兩之外餘銀盡數移解司庫以充地方公用則祿養均沾廉隅共飭實於整肅官方有益再查東省自雍正二年七月內議給各官養廉起歷今四載濟東道前後接任各員皆以陋規作為養廉每年除公項雜費外多得贏餘隱匿不舉應否指名叅處照數追還擬合一併陳明統祈

聖鑒批示遵行謹

奏

此奏甚屬可嘉年錄元已有旨矣其餘各員令其據實自行檢舉摺奏以聞倘仍隱匿不報嚴加叅劾可也

雍正六年八月十二日署理山東巡撫印務布政

使臣岳濬謹

奏為恪遵

訓旨敬達謝忱事竊臣荷蒙

特旨署理山東巡撫印務受事之日即經具摺

奏謝并將臣材庸質駑懇祈

皇上特加訓誨情由一併陳

奏復蒙

聖慈眷注垂諒顙蒙將摺內廣諮確訪四字

硃圈指示委曲裁成多方策勵臣即愚同草木蠢比昆

蟲亦知銜感

洪恩實心報效若猶稍存欺隱悖理營私神明之所不

容人類之所不齒有靦面目何以立於光天化日之下乎區區之誠伏祈

聖主鑒察又蒙

諭旨備述督臣田文鏡於地方外任之事老成練達著臣效法其居心行事俟費金吾到日詳細問知臣自服官以來即聞督臣田文鏡公忠廉潔治行無雙久已私懷仰慕今欽承

指導倍切景從昨七月二十一日布政使費金吾到任

連次接見詢知督臣居心純篤行事精勤凡其為國為民之訃謨實係可法可師之嘉範嗣後有地方緊要政務臣具摺上

奏懇請

聖裁若例應會同督臣辦理之事臣當悉心請教次第設施雖才識粗庸未能仿倣萬一而藉其啓迪作為楷模協力奉公和衷集益以仰副我

皇上諄諄訓誡之至意所有微臣奉到

硃批感激遵行情由理合繕摺具

奏伏乞

睿鑒謹

奏

所奏欣悅覽焉果肯遵朕訓諭實力循行保汝一生不負蕩檢踰閑之疚勉之

雍正六年八月十七日署理山東巡撫印務布政

使臣岳濬謹

奏為奏明事竊臣蒙

恩署理巡撫印務受事以後即將各屬命盜未結之案
逐一清查因檢閱積年舊卷見有從前撫臣應題
未題命盜十四案內命犯十二人賊犯二人俱批
令地方官牢固監禁懸案不結如前任撫臣蔣陳
錫批禁賊犯劉九命犯王二賀守祥三案前任撫
臣李樹德批禁命犯房奇馬文傑楊三秦雪李明
俊于三鄭七劉囤兒傅世友等九案前任撫臣陳

世倌批禁賊犯劉二和尚楊召遷二案臣細繹各
案供招或有罪犯重典倫紀攸關而隱諱不題者
或有證據未確應俟另緝正犯質對定案而因循
不題者亦有情事已明理應題結而延擱不題者
除房奇馬文傑業已監斃外其劉九等十二犯積
久監禁歷三四年至十餘年不等情實者既不曾
明正典刑可矜可疑者又不得援照末減實屬未
協臣現在檄行按察司分案確查仍密訪本犯實

情俟查訪明析應作何

題叅完結之處另摺請

旨今將查出未題命盜各犯緣由先行具摺

奏明伏祈

皇上睿鑒謹

奏

清理滯獄最屬要政可嘉之至查訪明確時備叙情由
具疏題達

同日又

奏為奏

聞事竊查山東向有邪教未除愚民易被誑誘臣隨密飭各屬留心巡緝茲訪有教首牛三花拉託名貿易寄居諸城往來於膠州高密等處倡行邪術號空字教有徒弟李大本代為傳播煽惑愚民且牛三花拉又騙娶吳姓之女為妾尤屬不法諸城等州縣俱在訪拏而牛三花拉攜妾吳氏棄家潛逃

今據膠州高密獲有黨羽數人諸城縣拏獲牛三
花拉之妻女并一二附和愚民訊無下落及獲其
徒弟李大本到案嚴訊實情供稱牛三花拉實係
教首隨處改易姓名蹤跡無定有族家在東平州
之安山鎮又魚臺曲阜鄒縣俱有平日熟識之人
等語一經報知臣即委員密赴諸城縣挑選幹役
四路嚴拏仍密飭東平等州縣一體緝捕逐處跟
尋毋得侈張其事致滋擾累業經備悉飭行去後

臣查此等邪教借名誑騙雖無惡跡顯著必須防微杜漸預絕根株臣不敢稍存玩忽隱諱之念為此具摺奏

聞伏祈

睿鑒謹

奏

此等邪教罪在渠魁務須捕獲萬勿疎脫其脅從黨羽咸係被所煽惑但當懲其尤者不可波及多人致滋紛

擾

雍正六年九月初四日署理山東巡撫印務布政使臣岳濬謹

奏為奏明事竊查前任山東按察使楊紹於本年正月二十六日奉

旨陞授直隸布政使所遺員缺著臺灣道吳昌祚補授隨經前撫臣塞楞額檄委鹽法道梅庭對署理按察司印務於二月初一日接篆署事經今半載有

餘吳昌祚尚未抵任而梅庭對職本鹽法正值

欽差工部侍郎臣繆沅會同鹽臣鄭禪寶查審鹽政積弊案牘紛繁俱屬鹽道專責勢難兼理刑名之事必須改委他員庶無貽誤臣伏見新任濟東道唐綏祖才猷敏練識見明通秉憲達情長於聽斷堪以署理臬司印務隨即檄委唐綏祖於八月二十六日接印署理所有改委署理按察使印務緣由理合

奏明伏祈

皇上聖鑒謹

奏

唐綏祖才具甚好已將伊調用鹽法道矣委署可謂得人

雍正六年九月十五日署理山東巡撫印務布政使臣岳濬謹

奏為據實奏明仰祈

聖鑒事竊東省巡撫衙門兼理臨清關倉事務查臨關
稅額每年應解正稅銀二萬九千六百八十四兩
又解賠銅斤水腳銀七千六百九十二兩零此外
解幫庶吉士並置辦羊毛解內務府以及傾銷添
平飯銀冊費等項共需用銀三千九百二十四兩
零通計銀四萬一千三百一兩零連年稅料缺額
無可措賠前任巡撫俱於臨倉耗羨內通融撥補
又查各州縣解交臨倉米麥折色蓆草等正項銀

共八萬四千三十六兩零按加一八收耗共該銀一萬五千一百二十六兩零內除部費添平考核及書役紙張飯食等費約共需銀四千一百七十一兩零尚餘銀一萬九百五十四兩零除撥補臨關缺額銀兩外下剩耗銀解交藩庫充公是臨倉之耗羨既供本倉之公費又補臨關之缺額節年所餘銀兩悉行解庫充公絲毫俱有著落誠無容議裁議減者也但查臨倉耗羨應隨米折交收原

與藩庫無涉嗣因前任布政使統計耗羨不曾分
析款項槩行催提前任撫臣失於查核以致各屬
交兌米折業將一八耗羨全繳臨倉又於藩庫賠
解一倍那移措墊貽累不堪將來州縣力不能賠
勢必加派百姓臣深悉其弊不敢不將一耗兩解
緣由據實上陳可否將藩庫重提臨米耗羨一項

亟飭停止免其墊賠可以省虧那而杜科派伏候
所請極是臨關稅課向來未有不缺額者自交地方官
聖裁批示遵行再查臨關稅銀臣甫經管理不知從前

徵收

以後不但正額無缺而且每有盈餘朕未審所以

正爾

因何屢致缺額現今委員監收臣仍不時察訪務

期別疑覽奏始知職此故耳

積弊以禁侵漁節浮費以裕稅鈔俟一年期

滿但得徵收如數足供解支即將臨倉餘耗一萬
餘兩悉以充公若有缺額勢須撥補亦必逐一確
核具摺

奏明斷不敢於關稅內收多報少混將臨米耗銀撥
補以自蹈侵蝕欺隱之咎也合并聲明統祈

皇上聖鑒謹

奏

凡百事務秉公據實揆情酌理而為之何不允協之有
雍正六年十月二十八日署理山東巡撫印務布
政使臣岳濬謹

奏為疊荷

聖慈敬陳謝悃事竊臣奉署東省巡撫印務材庸識淺
日凜冰兢荷蒙

皇上諭令臣效法督臣田文鏡辦事臣恪遵

聖示奉為楷模今督臣因會審前任撫臣黃炳等一案
於九月二十三日來抵濟南臣郊迎相會歡洽異
常此後不時進謁凡東省錢糧倉穀河道營伍關
係

國計民生之要務臣竭誠請教督臣逐一指誨老成
練達實有以勗臣不逮廣臣未聞臣感佩嘉言深
為欣幸又於十月十三日督臣敬錄

硃批卿至東省面晤岳濬時推誠相告料伊必歡忻領

受而且佩服實係少年美才將來大有可望加意開導如朕前諭照親子弟一般相待將所批之旨亦密令知之欽此密以示臣跪讀之下仰見我

皇上洪慈垂注委曲玉成期督臣以啓迪之勤勉微臣以領受之切疊頌

諭旨剴摯周詳荷此

天地父母之隆恩臣惟有策勵駑駘悉心求益景從賢

範體

國奉公以仰副我

皇上殷殷訓誡之至意所有臣疊荷

聖慈遵循感激情由理合繕摺

奏謝伏祈

睿鑒謹

奏

覽奏知道了爾會晤田文鏡時未有不心悅誠服之理
朕已言之於先矣勉力企及是務

同日又

奏為奏覆事本年九月初九日接奉怡親王大學士
張廷玉蔣廷錫寄字內開雍正六年八月二十八
日奉

上諭聞得有內地之人潛往日本國在彼教習射箭及
打造船隻等事且有福建浙江革退之千總及武舉
等人亦在其內此雖傳聞之說然亦不可不察從前
聖祖皇帝欲訪問彼國情形曾遣人同商人前往及至彼

國設有僑寓商人處所名曰土庫將內地貿易之人另住此地不令聞知伊國之事且防範甚密朕思向來採買銅斤之商船往來彼處目今又開南洋之禁不可不留心稽查以防詐偽爾等可密寄信與岳濬加意查訊防範若有應行奏聞之事具摺密奏欽此
遵

旨寄信前來巡撫可遵照留心辦理可也等因臣欽遵諭旨尋覓福建浙江江南并東省沿海人員密加細訪

日本地境因知日本國與浙江寧波府相對往來最便福建江南洋面俱有路可通山東相隔遼遠竝無商船往來彼國情形無從探聽惟是東省亦屬濱海要區我

皇上睿照周詳

特頒密諭

臣於海疆文武官弁諄切誡飭令其於海口

往來船隻加意稽查以防詐偽臣於明春當親往青萊登三府將沿海緊要處所逐一查勘有應行

奏

聞之事即當具摺密

奏不敢疎忽隱諱貽誤地方所有奉到

諭旨現在查訊防範緣由理合先行

奏覆伏祈

皇上聖鑒謹

奏

密行體訪勿事張揚前言非有確實憑據不過防未然

之意耳

雍正六年十一月初十日署理山東巡撫印務布

政使臣岳濬謹

奏為臬司需才甚重據實陳奏仰祈

聖裁事竊查臺灣道吳昌祚於雍正六年正月內奉

旨陞授山東按察使歷今十月有餘尚未到任前經臣

遴委濟東道唐綏祖署理臬司印務具摺上

奏欽奉

硃批唐綏祖才具甚好已將伊調用鹽法道矣委署可謂得人欽此茲於本年十一月初八日奉准部文

題覆侍郎繆沅等奏稱唐綏祖現經署理按察司印務鹽政頭緒繁多必得專心辦理勢難兼理刑名應如所請行令河東總督田文鏡署東撫岳濬即另委員署理按察司印務奉

旨依議欽此行咨到臣遵即與督臣田文鏡商酌於各道員中另委一員接署臬司但恐才乏兼長終難

勝任臣伏思東省鹽政頭緒雖多自經侍郎臣繆沅等釐剔諸弊之後俱有條理可循而臬司一官管理通省刑名案牘尤關緊要今唐綏祖自署篆以來聽訟精明斷獄平允一切刑名案件次第清理而於本任鹽務亦勤於稽察毫無廢弛實屬才具優長堪以兼理可否仰懇

聖恩仍准唐綏祖照前署理臬司印務抑或臬司比之運使職守更重得人更難即將唐綏祖陞授臬

此人不謂無才但恐誠實不足耳尚須斟酌
司俾得專心料理刑名力圖報效乃出自

聖主格外拔擢之恩非臣所敢擅請也為此據實

奏陳統祈

皇上慈鑒謹

奏

伊若能兼理無誤且令暫署吳昌祚亦計日可到矣

雍正六年十二月二十五日署理山東巡撫印務

布政使臣岳濬謹

奏為奏明事竊查曲阜

聖廟工程屢奉

諭旨上緊興修務期堅固巍峩光復舊制從前因叅革都司鈕國璽買木遲延又丈尺不能合式續遣通判黃家炳等向南省買補大料雖據稟購買完備而長途運送歲內尚未到工以致大成殿等工不能尅期起建所有現在可以興修之工程及可以製造之木料臣已節次檄催第未親身查驗不能

備悉情形茲因奉文會審馮侯南一案前赴濟寧
事竣之後即東至曲阜親詣

聖廟工所調齊承修各員逐一查勘查得應修各工其
中則大成門金聲玉振門大成殿寢殿左右兩廡
御碑樓其西則金絲堂啓聖殿查金絲堂啓聖殿木料
齊備業已先行建造僅未蓋瓦油飾其左右兩廡
每廡四十四間南段已蓋二十七間兩邊共計五
十四間其未蓋之北段因地址逼近大成殿應留

為大工搭架之所未便全數蓋完至如大成殿等
工一切石料甃瓦俱已備就凡有合式樑柱及斗
拱簷椽門窗神座等項亦皆預為製造惟俟大木
運到各料全備即便興工臣惟有敬謹催趲作速
修竣以仰副我

皇上崇表

先聖注望告成之至意為此繕摺

奏明伏祈

睿鑒謹

奏

聖廟工程淹遲數載怠忽莫此為甚汝今署撫東省實惟
帑責其竭力催督作速告成以慰朕羹牆之念可也

同日又

奏為交明司庫耗羨繕冊進呈仰祈

聖鑒事竊臣前於布政司任內接收前司張保交下藩
庫耗羨銀兩曾經確查收支存貯各款項繕冊

奏明欽奉

硃批在案今臣自雍正五年五月二十四日受事起至雍正六年七月二十日卸事止經手司庫耗羨業與接任布政使費金吾交代清楚一切收支存貯款項理合照前繕冊進

呈其中有因公動用數條或係

奏明有案或係舊例相沿或係就事酌給總因關係地方公務不得不動支應用謹於各本條下摘叙

原委據實聲明併將前奉

硃批耗羨原冊一併

呈繳以備查核為此具摺併冊上

奏伏祈

皇上慈鑒批示遵行謹

奏

大凡錢糧耗羨等項料理得宜無出田文鏡豫省之右者嗣後一切俱與伊共商同辦

同日又

奏為酌核動支耗羨款項仰祈

聖鑒事竊念司庫耗羨絲毫俱關

國帑凡有動支理應細加酌核今查巡撫衙門每年
於耗羨項下一支發書吏鹽菜銀每月一百二十
兩此係舊例相沿以供各吏飯食之用難以核減
一支發心紅紙張夾板絨繩等項價銀歷任巡撫
所用竟至一二三千兩不等因無定額未免任意

耗費臣自署理撫篆至今半年以來約用心紅紙張等價銀三百餘兩若以一年倍計之止須動支銀六百兩儘堪供用應請著為定額以杜浮濫之弊一支發執事礮手等役工食每年計銀四百八十二兩零查各役向無額設工食歷來俱於耗羨項下支給均無浮冒無可裁汰惟以司庫公項之耗羨支作撫署下役之工食又義所不安因念巡撫兼理臨清倉務每年額收米麥所折銀兩內有

在本處支放月糧官俸等項銀一萬七千兩有零
應存剩餘平銀四百餘兩向係倉務額外贏餘之
項臣不敢私自取用請即以此項移作執事礮手
等役工食按數發給無庸再於耗羨項下支銷以
上數項臣逐加酌核或應照常支給或應分別減
省總期釐定款額重庫項而絕弊端為此據實具
摺上

奏伏祈

聖鑒批示遵行謹

奏

應取用者照常支取應用毋庸矯廉卽此等款額亦與
田文鏡商酌增減沿革一聽伊之區畫而行絲毫不必
遲疑朕可保斷不至於舛謬其老成之見較爾屬員毫
未閱歷之輩相去奚啻什伯也

雍正七年二月二十四日署理山東巡撫印務布
政使臣岳濬謹

奏為捧讀

硃批欽遵奏覆事竊山東布政使費金吾為敬陳錢糧事宜等事具摺上

奏欽奉

硃批凡地方事務之宜緩宜急悉聽督臣田文鏡之指示實力行之不可陽奉陰違另立主見田文鏡朕可保其必無過不及之舉其所令緩者固不可急於求效其所令嚴者亦不可過急而推怨於督臣須同心

合德商酌為之能如此則東省之民風吏治一兩年
間可望如豫省一般假若各懷意見時而針芥時而
矛盾朕則不能必其後效也將此諭亦與岳濬看欽
此費金吾於本年二月初九日謹捧原摺交臣觀
看臣跪讀之下不勝悚息伏念地方公務動關
國計民生緩者不宜過嚴急者難容少縱督臣田文
鏡老成籌畫斟酌咸宜臣奉作楷模竭蹶從事景
賢報

主情出至誠前經據實

奏陳悉蒙

慈鑒今復以

硃批賜示使臣與費金吾一體欽遵臣敬錄全文朝夕
儆察務期同心協力整飭地方以仰副我

皇上諄切告誡之至意所有捧讀

硃批感激惕勵情由理合具摺

奏覆伏祈

睿鑒謹

奏

無非欲汝等實心聽從田文鏡之指示耳毫無他意悚
息何為

雍正七年三月初一日署理山東巡撫印務布政
使臣岳濬謹

奏為遵

旨酌議東省各官養廉仰祈

聖裁事雍正六年八月初十日欽奉

上諭各省內或有尚未給養廉之員著各督撫悉心商酌一面辦理一面奏聞等因欽此仰見我

皇上惠愛臣工體恤周詳之至意臣案查東省自撫司至州縣俱經前撫臣陳世倌議給養廉但定數多寡未得協宜而佐貳各官之應給養廉者均未議及亦屬疎漏臣謹會同督臣田文鏡逐加酌核竝將豫省各官養廉數目比照增減悉心辦理所有

東省各官增減養廉細數謹另造清冊進呈

御覽伏候

皇上批示遵行再查東省從前每年支給各官養廉共銀一十八萬五千五百兩今另行酌議共增銀六萬七千八十兩合併聲明為此具摺奏

聞統祈

皇上聖鑒謹

奏

所議大小各員均屬妥協惟田文鏡今既兼督東省亦當增給養廉萬金方為合宜督臣統轄將弁較之撫臣賞犒所需尤覺繁多在伊自難啓齒汝未議及於此殊屬忽略矣

雍正七年四月二十日署理山東巡撫印務布政

使臣岳濬謹

奏為

聖恩高厚難名恭達謝忱仰祈

睿鑒事雍正七年四月二十日接准吏部咨開奉

上諭川陝總督岳鍾琪統兵進剿準噶爾在西安起程
之時著伊子岳濬前往親送伊父至肅州再回山東
原任今著岳濬先期預備候朕再降諭旨到日起負
前赴西安等因欽此伏念臣自雍正三年十月內在
口北道任內值臣父進京

陸見蒙

皇上諭臣隨侍親送啓行迄今四載有餘定省久違心

懷瞻戀但臣叨署撫篆職守封疆正思圖報涓埃
何敢以烏鳥私情妄希

恩鑒茲迺荷蒙

特旨命臣星赴西安親送臣父前至肅州仰見我

皇上如天之仁無微弗照無遠弗周俾臣得趨侍親闈

面承臣父教誨即臣母多年睽隔亦得再覩容顏

沐

聖主優渥之恩獲天倫聚會之樂戴高履厚感荷難名

惟有敬效嵩呼望

闕九叩以仰達謝忱於萬一而已除現在預備行裝專

候再

頒諭旨起程外所有微臣奉到

恩諭欽遵感激激情由先此具摺上

奏伏祈

皇上睿鑒謹

奏

已有旨從部頒發矣可即起程詣陝與汝父歡晤仰蒙
上天垂庇汝父振旅凱旋時朕仍召汝來京與觀飲至策
勲也

雍正七年八月二十七日署理山東巡撫印務布
政使臣岳濬謹

奏為

聖主眷遇益隆微臣感戴彌切敬陳下悃恭謝

天恩事竊臣於雍正七年八月二十五日自肅州回至

西安接視邸鈔欽奉

上諭岳濬著加僉都御史銜署理山東巡撫印務蔣河
著補授山西布政使欽此臣當即望

闕叩頭恭謝

天恩訖伏念臣年少庸愚才疎識闇疊蒙

高厚渙厯旬宣幸荷

聖德洪施頻承

訓諭俾臣遵循得以勉竭駑駘昨臣父寧遠大將軍臣

岳鍾琪奉

命西征統兵遠出蒙我

皇上曲體至情

特命臣來至西安送臣父肅州出口之後再回山左身
受

洪仁愛注不識臣父子何修至此頃臣於肅州向臣父
拜別之時臣父岳鍾琪感激

聖恩涕零切囑令臣矢清矢慎謹飭小心不負

君恩即符孝道臣跪聽父教泣不能言惟有銘刻中心
以伸報悃今重荷

寵錫擢授京員復署撫篆臣心同犬馬深知報稱難名
而臣父岳鍾琪仰思

隆恩優渥愈切蓋誠益與將士奮志勵忠誓殄小醜胥
慶敕寧共報

高厚於萬一惟臣年輕謫劣巡撫鉅任自問難勝仰懇
聖主鑒臣微悃於臣回至山東之日

允令赴京再觀
汝第能聽受田文鏡所言而行勝如來京面領朕諭國
天顏躬請
家戒政興師選將之事田文鏡少遜汝父若地方吏治
聖訓以據臣銜
錢穀刑名等務即汝父亦不能及也當竭力做做之
恩戴

德之忱皆出自

皇上恭養成全之賜也今臣現在西安起程容俟回任
後遵照部咨奉

旨事理另疏

奏謝外臣先繕摺恭謝

天恩伏祈

睿鑒謹

奏

覽奏謝矣

雍正七年十月初三日署理山東巡撫印務都察

院僉都御史臣岳濬謹

奏為敬遵

諭旨圖報

聖恩事竊臣於本年八月二十五日自肅州回至西安

隨繕摺

奏謝竝請趨覲

天顏恭聆

聖訓奉有

硃批諭旨臣泥首跪讀感激涕零伏念臣年齒未強才

識疎淺自邀廕以及受職疊荷

皇恩訓誨栽培不次拔擢破格作養凡有摺

奏俱邀

天鑒批諭諄諄以督臣田文鏡為效法臣每諮詢事宜而督臣無不周詳指示俾無隕越臣質雖顓蒙心竊向往不敢稍自暴棄致負

君父生成之恩是以微臣回東過豫遶道開封歷觀豫省之民風羨慕督臣之政治備聽督臣之經畫用為東省之楷模臣不甘作不移之下愚惟敬遵

聖訓以上進務期竭力學習留心倣效以仰答

皇上告誡洪慈庶無負

聖主委使重任所有微臣感奮下情理合繕摺恭

奏伏祈

睿鑒謹

奏

如此矢志甚屬可嘉勉之

同日又

奏為請發人員以備委用事竊臣案查前署撫臣費金吾於本年閏七月內

奏請揀發知縣二十員隨於本月十一日欽奉

上諭著將盛開池等九人命往河南交與總督田文鏡於山東地方酌量委署試用等因欽此又於十三日欽奉

上諭著將范岳山等十一員交與田文鏡於山東地方酌量派委試用等因欽此內除林靖唐一人係山東

拔貢督臣欽遵

上諭留豫試用外所有奉發至東盛開池等十九人俱
經督臣酌量派委試用臣思東省牧令新委之員
交代倉庫久任之員調任盤查倘有州縣開缺若
再令其兼署不無顧此失彼反致誤公臣過開封
備將地方事宜面商督臣田文鏡因知豫省欽奉
上諭廣收人材策勵備用所有公舉人員已經送部引
見臣思督臣遵

旨遴選自必舉賢擇能伏懇

皇上揀選人員即將督臣保送之人

發下東省二十員如遇州縣懸缺以便會同督臣田文
鏡委署試用實於地方吏治裨益良多矣為此繕
摺

奏請伏祈

皇上睿鑒施行謹

奏

俟保送之員到部引見後斟酌有旨但豫省人員忠厚者居多明達者甚少倘或臨事遲鈍辦理維艱則汝反難措置矣

雍正七年十月二十四日署理山東巡撫印務都察院僉都御史臣岳濬謹

奏為恭報瑞雪敬慰

宸衷事竊臣於十月十六日正在武闌內簾瑞雪紛降一晝夜隨查四境地方得雪分寸嗣據近省州縣

節次飛報十月十六日得雪三四寸不等又據青
萊登等府州縣飛報十月十四五六等日得雪四
五六寸不等臣查東省二麥遍播早霑陰雨之膏
六出紛霏更益提封之潤二十餘年僅見之大有
今歲已書百一十屬預兆之豐登明年再慶皆

聖主敬

天勤民所感召為羣黎含哺鼓腹之休徵所有東省普降
瑞雪情形理合繕摺奏

聞伏祈

皇上聖鑒謹

奏

瑞雪普降深慰朕懷奏內明年再慶云云似此誕肆之言切勿輕出諸口即斯奢望之念併不可預存於心不但明年便明日事亦何可逆料惟以忠勤莅事誠敬對天方能感召休徵之應也識之

雍正七年十一月初七日署理山東巡撫印務都

察院僉都御史臣岳濬謹

奏為欽奉

上諭事竊臣案查雍正七年九月二十四日准戶部咨
九月初三日內閣鈔奉

上諭山東泰安州神廟奉祀

東嶽泰山之神歷代相傳靈顯昭著佑庇萬民

明神之功德其來久矣遠近人民感荷默佑之恩焚香
頂禮罔不虔肅其廟宇重修於康熙十二年距今五

十餘年茲據署巡撫費金吾奏稱廟宇盤道有傾圯
頽壞之處應加繕葺山路亦當修整著發內帑銀兩
命內務府郎中丁皂保赫達色前往督工敬謹修理
務使廟貌輝煌工程堅固速行告竣以副朕為民報
享之至意特諭欽此欽遵等因在案臣於九月二十

七日自陝回東繞道至泰安州面晤

欽差郎中丁皂保等備述親承

聖諭緣由又據署泰安州知州方世壯詳稱

欽差大人於九月二十一日到州恭宣

上諭爾等前往泰山修理廟宇盤道務使廟貌輝煌工程堅固不可惜費取山東布政司庫銀十萬兩支用
欽此今各處工程俱經

欽差估計蒙諭所用木植磚瓦石灰等項須先採買約用銀二萬兩應向藩庫支取其餘銀兩俟應用之時再行支取等語臣查事關

欽工需銀緊急隨於司庫公項銀內動支二萬兩委員

解交郎中丁皂保等查收訖但部文內未將應撥
東省何項銀兩指明令臣皆可先撥司庫公項銀二萬
兩此後尚有應用之處亦在公項銀內支取理合
繕摺

奏明伏祈

皇上睿鑒施行謹

奏

遵照伊等所傳諭旨一面如數撥發一面咨明該部

同日又

奏為奏明事竊查泰安州泰山廟香稅舊例每香客一名正稅八分之外有廟工銀一分以為遞年廟內添補用度之費又有裁留聽支明加等銀五分八釐四毫八絲是以每香客一人計正稅公款共納銀一錢四分八釐四毫八絲所有各年奏銷部飯及在山辦事人役工食收稅經承紙筆飯食解稅盤費等銀即於公款銀內扣解支給今公款等

銀

題明歸公而每客所納廟工銀一分之數自應扣留
茲廟宇盤道應修之處已蒙

皇上發帑

欽差估計大加修理所有本年及以後扣存廟工銀兩
一時尚可不用應令解貯司庫俟有動用之時詳
請發給至在山辦事人役及收稅經承紙筆飯食
等項據州詳請經臣飭查今據布政司移會濟東

道查核在山巡查收單火夫造飯等役工食及收
稅經承紙筆飯食等費每年共應給銀一百四十
四兩詳請於歸公項內按季撥給更向來每年香
稅奏銷有部飯銀六百兩及解稅等盤費亦應於
歸公項內撥出理合

奏明請

旨遵行為此繕摺具

奏伏祈

欽定四庫全書

硃批諭旨

卷二百一上

四九

睿鑒謹

奏

封疆大吏之責宜於大者遠者悉力籌畫如察吏安民
防姦靖盜移易風俗肅清刑名等務是也凡人精神有
限一日光陰無幾不可在區區絲毫釐忽上耗費心志
若稟賦獨厚另具有鉅細不遺力量則又當一論要在
善自審度耳

雍正七年十二月十二日署理山東巡撫印務都

察院僉都御史臣岳濬謹

奏為跪讀

硃批恭申謝悃事竊因前署撫臣費金吾為恭謝

天恩事一摺遵奉

諭旨敬錄

硃批原摺密交到臣跪讀之下謹按原摺內開伏念臣

質性魯鈍才具疎庸前在河南幸田文鏡老成練

達臣遵

旨每事請教得免貽誤凡臣所見不到者稟商諸田文鏡而得立一主見喜而且愧等語欽奉

硃批非汝見不及也究係忠誠少遜耳如田文鏡之老成練達者頗不乏人不過愈增其譎詐趨避之伎倆而已豈徒無益於國事且將新進後生輩引入邪途而為之作俑也此等老吏之惡習朕深惡之汝當效法田文鏡之根本立心處若從外象施設邊做學則終不能有及之之日也勉法之欽此又摺內開東省

錢糧倉穀鼓鑄制錢建造倉廩會勘水利添設滿
兵衙署營房修輯通省志書等事俱未能逐一完
妥凡此辦理稽遲之咎皆臣質鈍才庸之所致等
語欽奉

硃批如汝歷舉此數條豈一時即能尅期就緒者耶究
其所以蓋緣屬官未悉汝之心志所在故也能令屬
官深信上司是則必是不是則必不是自皆相率竭
力急公矣如此而後可望通省吏治次第就緒若不

如是汝等一二大員縱竭盡心力何能一一躬親辦理也凡事惟當端本為要將此奏摺批諭密與岳濬看令伊知之欽此伏念督臣田文鏡練達素著臣恪遵

訓旨奉為楷模每慮識淺才疎未能備悉仿學茲恭繹硃批因知效法賢臣但宜體其心地之忠誠不在襲其外象之施設總以勉法其根本自然馴至有成至於通省吏治不能尅期就緒皆由臣等率屬無方

是以辦事寡效再繹

硃批又知身為上司必須是非不淆勸懲允當俾屬員咸知畏感向上急公總以端本為先自然次第就緒凡此剴切詳明之

聖訓均係希賢奏治之要圖臣雖至陋至愚反覆思維亦覺憬然有悟從此悉心務本竭力圖忠庶幾獲效涓埃以仰答

聖主委曲指導之至意所有微臣跪誦感激緣由理合

繕摺奏

聞伏乞

皇上聖鑒謹

奏

今實授汝為山東巡撫已有旨矣竭力勉為之百爾臣
工倘至有玷厥職罪責止於不忠而已在汝則又多不
孝罪責可弗愆茲為汝計事事第循田文鏡軌轍萬
勿另移步趨不但好勝之言不出於口即見長之念亦

不存於胸儼如後生之於師長下吏之於上官遵從維
謹慎莫聽信屬員撥弄而輕違君父慈愛之訓誨也田
文鏡年近七旬從伊學習十年至得心應手精詳熟諳
時然後呈獻底蘊展布謀猷猶未為晚何必目前向班
倖爭巧而較短論長於尺寸間耶斯乃朕知真見透之
諭當拳拳服膺奉以為圭璧

同日又

奏為奏明事竊查東省南北大路多有窪下難行荷

蒙

聖懷軫念特遣工部侍郎法保等來東踏勘隨經督臣

田文鏡委員會查估計覆

奏臣自陝回東於十月初二日接准部咨欽奉

上諭爾工部即行文三省動正項錢糧乘此農隙之時
派委賢員作速興工務於明春雨水前告竣朕仍遣
員往查等因欽此復准督臣移咨到臣就近飭令
沿途十一州縣領帑興修查照原估或築高官道

或改就民田或於地頭挖土墊修一切溝路俱遵
估定式樣在民田限於地勢難以展闢惟於原估
丈尺不容欠缺其官道地面本濶路根溝底較之
原估丈尺酌令加寬以防坍塌塞路則令其夯礮堅
固溝則令其開浚深通其應給田價上價照額發
領不許吏胥侵扣除地方正佐各官分段承修外
臣仍遴委能員逐一查催現稱修築完固次第竣
工但時值天寒又經大雪之後土脈尚在凝結誠

恐春和凍釋漸致浮鬆仍飭承修官於交春之際
再加夯礮培補保固無虞至於應建橋梁業已採
辦石料前因寒凍未解難以築基今漸近春和上
緊建造務令尅日完備聽候

欽差勘查總期路廣溝深津梁利涉以仰副我

皇上王道蕩平惠恤行旅之至意所有現在修治道路
建造橋梁情形理合繕摺具

奏上慰

聖懷伏乞

睿鑒謹

奏

諸凡工作惟勤查確勘屬員吏胥方不敢舞弊若少涉疎慢必致有名無實潦草塞責其遴委誠實人員不時催督看驗務俾修築堅固以利便行旅永免躑躅之虞至於帑項第不令姦貪侵蝕耳何可吝惜節省之念斷不宜存果能錙銖皆用於工內即較原估稍多亦朕所

樂聞也又具奏李樹德一案暫為留中候交部議覆有旨

雍正七年十二月二十四日山東巡撫臣岳濬謹奏為恭謝

天恩兼陳下悃仰祈

慈鑒事雍正七年十二月二十二日准吏部咨欽奉上諭朕見岳濬少年老成克遵伊父岳鍾琪家訓是以令其署理山東巡撫印務自署事以來實心供職才

守兼優且虛懷受善能資總督田文鏡之益和衷共濟田文鏡亦奏稱岳濬克勝巡撫之任著將岳濬實授山東巡撫欽此臣恭設香案望

闕叩頭謝

恩訖伏念臣世受

國恩至優至渥自幼隨侍臣父朝夕所聞惟以竭忠報主為訓臣悉心聽受敬誌勿忘祇因年少材庸不克策勵上進荷蒙

聖恩鑒拔不次超遷由藩司署理撫篆任大責重隕越

堪虞仰賴

聖主垂諒愚蒙事無鉅細

訓示周詳又

命督臣田文鏡隨時引掖指導機宜臣奉為楷模虛衷
請教不敢稍存己見而督臣推誠相告一載以來
受益洪多嗣因臣父領兵西征蒙

皇上特恩令臣前赴肅州侍送出口臣父將臣署撫任

內事件逐一詢問深恐臣庸劣不職有負

皇上天地生成之德諄諄戒飭及臣自陝回任欽奉

特旨授臣為都察院僉都御史仍署理山東巡撫印務
敬聞之下感悚交集茲復荷蒙

恩旨實授山東巡撫兼以臣為克遵臣父之家訓能資
督臣之教益

聖慈垂注重賜褒嘉臣自揣何人膺此逾分之光榮受
此特達之

知遇委託愈重報稱愈難惟有夙夜冰兢倍加勉勵事

事凜

皇上剴切訓誡之至意時時體

皇上委曲栽培之盛心與督臣田文鏡協力效忠恪供

職守以仰答

洪恩於萬一耳所有微臣感激下忱俟開印日具疏


題謝外合先繕摺恭謝

天恩伏祈

睿鑒謹

奏

爾當青年膺茲重寄亟宜淬礪以期無忝前摺批諭甚
明其實力遵行勿替



硃批諭旨卷二百一上